

BE.99. O TONDI PARBADIA BONGOTI (Eb=1)

=====

B.E No.99. O TONDI PARBADIA BONGOTI

1. O ulubalang na gogo Songon sadari on do Ho manaek tu hasangapon
Naung sidung do ulaonMi Na ringkot patupaonMi Humophop hajolmaon
Sabam, tongam do Ho muli tu na uli Marhabangsa Disiamun ni Jahowa.

2. Marloksaloksa Serapim Marriburibu Kerubim Mamuji Ho na monang
Dibaen naung pinadomuMi Saluhut manisias i Tu Debata di ginjang
Puji, puji Jesus Kristus naung patulus saluhutna Tinonahon ni AmaNa.

3. O Jesus Ho do ulu ni Luhutna na porsea i RuasMu anggo hami
Ho hangoluannami on Ho hasonangannami on Ho hagogoonnami.
Suru, togu Rohanami, asa hami mangalehon Tu Ho nasa hasangapon.

4. Sai taiti rohanami on Urupi hami on tongtong Mangalo dosanami
Paia rohanami be Parangenami baen ture Nang pangkataionnami.
Tompah roha Na imbaru asa haru monang hami Maralohon dosanami.

5. Pabulus langkanami be Patigor dalannami pe Lao tu banuaginjang
O Jesus tatap hami on Na so tarbaen di tano on Mardame manang sonang
Sonang, monang Di lambungMu bahenonMu hami sogot Dung tu surgo hami bongot.